



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-268-4/25**
Datum: **07.07.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «SARAJEVSKI KISELJAK» d.o.o. Kiseljak za donošenje rješenja o vodnoj dozvoli za ispuštanje tehnoloških otpadnih voda iz pogona-punionica negazirane mineralne vode i pratećih objekata, izgrađene u MZ Polje, u mjestu Stojčići-Stupovište, općina Kreševo, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu «SARAJEVSKI KISELJAK» d.o.o. Kiseljak, daje se vodna dozvola za ispuštanje tehnoloških otpadnih voda iz pogona-punionica negazirane mineralne vode i pratećih objekata, izgrađene u MZ Polje, u mjestu Stojčići-Stupovište, općina Kreševo, na zemljištu označenom kao k.č. broj: 44/1, 44/3, 46, 47, 48/1, 48/2, 49, 50, 51, 52, 53 i 54 K.O. Kreševo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice «SARAJEVSKI KISELJAK» d.o.o. Kiseljak, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu rada punionice negazirane mineralne vode i pratećih objekata, te pranjem opreme i radnih površina kao i iz objekata izgrađenih u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje uređaja za tretman tehnoloških otpadnih voda (taložnika), te odvoz i konačno zbrinjavanje istih, kao i ostalog otpada sa lokacije predmetnog poslovnog objekta za skladištenje kože može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti emisija otpadnih voda utvrđene u Prilogu 5. tabela 2 kolona 3. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izvršaj o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 051-0-Reg-24-000639 od 20.11.2024 godine, izdatog od strane Općinskog suda u Travniku-ovjerena kopija,
- Aktuelni izvod iz sudskog registra broj 051-0-RegZ-25-001109 od 18.06.2025 godine izdatog od strane Općinskog suda u Travniku-kopija,
- Potvrda o promjeni podataka, Kantonalni porezni ured Novi Travnik od 08.07.2024 godine,
- Uvjerenje o poreznoj registraciji izdato 04.09.2019.godine, od strane Porezne uprave – Kantonalni ured Novi Travnik-kopija,
- Uvjerenje o poreznoj registraciji izdato 23.01.2020.godine, od strane Porezne uprave – Kantonalni ured Novi Travnik-kopija
- Rješenje o vodnoj dozvoli broj: UP-I/25-3-40-139-4/20 od 18.06.2020. godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Rješenje o odobrenju za građenje broj: 06-23-40/19 od 17.04.2019 godine izdato od strane Službe za civilnu zaštitu urbanizam, imovinsko pravne poslove i katastar nekretnina, Općina Kreševo,
- Rješenje o odobrenju za građenje broj: 06-23-26/19 od 24.10.2019 godine izdato od strane Službe za civilnu zaštitu urbanizam, imovinsko pravne poslove i katastar nekretnina, Općina Kreševo
- Specijalna punomoć za Darka Josipovića
- Rješenje o vodnoj dozvoli broj: 04-21-5/20 od 22.01.2020. godine izdato od strane Ministarstva poljoprivrede, vodoprivrede i šumarstva Srednjobosanskog kantona,
- Rješenje o ispunjenju uslova broj UP-I-03-4-18/1-2098-1/19 K.M. od 30.01.2020 godine izdato od strane Federalnog ministarstva poljoprivrede, vodoprivrede i šumarstva,
- Ugovor o sakupljanju, skladištenju i zbrinjavanju opasnog otpada sklopljen sa „AIDA-COMMERCE“ d.o.o. Sarajevo, broj 1567-1/22 od 04.08.2022 godine,
- Transportna dokumentacija za otpad taložnika –otpadnog mulja od strane „AIDA-COMMERCE“ d.o.o. Sarajevo, oktobar 2024 godine,
- Izvještaji o monitoringu kvaliteta i kvantiteta otpadnih voda «SARAJEVSKI KISELJAK» d.o.o. Kiseljak pogona-punionica negazirane mineralne vode i pratećih objekata, septembar 2024. Godine i april 2025 godine, urađen od strane "Zagrebinspekt" d.o.o. Mostar,

B. Tehnička dokumentacija

- Glavni projekat- Punionica mineralne vode u Kreševu, Vodovod i kanalizacija-MAPA 3, urađen od strane „FIVE EXTRA“ d.o.o. Sarajevo, februar 2019 godine revidovan od strane „DVOKUT PRO“ d.o.o. Sarajevo, (uvid prilikom uviđaja na terenu).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-268-2/25 od 01.07.2025. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija kompleksa za proizvodnju mineralne vode, izgrađena je u MZ Polje, u mjestu Stojčići Stupovište, općina Kreševo, na zemljištu označenom kao k.č. broj: 44/1, 44/3, 46, 47, 48/1, 48/2, 49, 50, 51, 52, 53 i 54 K.O. Kreševo.

Na predmetnoj lokaciji se nalaze cjeline: proizvodna hala sa aneksom, skladišta repromaterijala i gotovog proizvoda, kotlovnica i kompresorska stanica, trafostanica, nadstrešnica za otpad, manipulativne površine, parking i drugi prateći sadržaji.

U proizvodnji negazirane mineralne vode se odvijaju sljedeći procesi: proizvodnja, pranje, punjenje i pakiranje pet boca, te skladištenje i manipulacija repromaterijalom potrebnog u proizvodnom procesu, održavanje tehnoloških i energetske postrojenja i dr.

Proizvodnja se odvija na dvije proizvodne linije i to linija 1-punjenje vode i sokova u ambalažu od 1,5 l i 0,5l nominalnog kapaciteta 12 000 boca/h i linija 2- punjenje mineralne vode u PET ambalažu od 6 l nominalnog kapaciteta od 1 500 boca/h.

Mineralna izvorska voda crpi se iz izvorišta „BO Banja“ (naknadno izmjenjen naziv izvora u SARA) a za isto podnosilac zahtjeva je pribavio vodne akte od nadležnog organa.

Na lokaciji predmetnog objekta nastaju tehnološke otpadne vode diskontinuiranog toka i kontinuiranog toka.

Tehnološke otpadne vode diskontinuiranog toka nastaju ispuštanjem vode nakon povremenih pranja i ispiranja tankova, opreme i CIP sistema. Obzirom da se voda koristi više puta u pranju, otpadna voda se ispušta nakon tri dana.

Tehnološke otpadne vode kontinuiranog toka koje nastaju u toku proizvodnje, tj. od pranja opreme, ispiranja ambalaže, pranja radnih površina i podova, bit će kompletno prikupljena putem rešetki, slivnika i odvodnih kanalizacionih cijevi odvođena na trokomorni taložnik otpadnih voda na prečišćavanje. U trokomornom taložniku se vrši tretman svih tehnoloških otpadnih voda (izdvajanje krupnijih i finih čestica te po potrebi neutralizacija). Nakon kontrole pH vrijednost tretirana voda se ispušta u prirodni recipijent-rijeku Kreševku.

U kotlovnici se kao energent koristi ekstra lož ulje i prirodni plin.

Skladištenje ekstra lož ulja se vrši u podzemnom spremniku sa duplim plaštom $V = 20 \text{ m}^3$.

U kotlovnici je predviđena vodonepropusna odmuljna jama od betona za otpadne vode iz kotlovnice.

Otpadne vode sa istakališta lož ulja prije upuštanja u oborinsku kanalizaciju prolaze tretmanu separatoru ulja i masti sa taložnikom i koalescentnim filterom.

U punionici Kreševo se trenutno vrši samo proizvodnja negazirane mineralne vode, a planirana je proizvodnja osvježavajućih bezalkolnih pića.

U periodu važenja navedenog Rješenja o vodnoj dozvoli podnosilac zahtjeva je ispunio svoje obaveze i to:

- Vršiti se redovno održavanje i korištenje postojećih objekata i sistema čija je svrha prikupljanje tretman i odvodnja tehnoloških otpadnih voda,
- Vršiti se redovan monitoring kvaliteta i kvantiteta otpadnih voda od strane ovlaštene laboratorije,
- Vršiti se zbrinjavanje opasnog otpada od strane ovlaštene firme prema sklopljenom ugovoru.

Prilikom uviđaja utvrđeno je da u tehničko-tehnološkom smislu, obimu i uslovima snabdijevanja, te u načinu prikupljanja tretman i ispuštanja otpadnih voda u predmetnom poslovnom objektu, pravnog lica nije došlo do promjena od izdavanja navedenog Rješenja o vodnoj dozvoli.

Izveštaji rezultata ispitivanja kvaliteta tehnoloških otpadnih voda «SARAJEVSKI KISELJAK» d.o.o. Kiseljak septembar 2024. Godine i april 2025. godine, urađeni od strane "Zagrebinspekt" d.o.o. Mostar, ukazuju da parametri kvaliteta otpadnih voda su u skladu sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 19., 20. i 21., Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 29. do 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «SARAJEVSKI KISELJAK» d.o.o. Kiseljak-pogon-punionica negazirane mineralne vode u Kreševu, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «SARAJEVSKI KISELJAK» d.o.o. Kiseljak, ul.Kraljice Mira 7, Kiseljak
- ☞ AVP Sava, ISV-vodna knjiga
 - Org.jed. 50
 - Org.jed. 40-arhiva
 - Oglasna tabla AVP Sava Sarajevo